

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermi inatsisip allanngortinneqarnerat pillugit inatsisip (Malersuineq akiorniarlugu suliniutit patajaallisaavagineqarnerat, kinaassutsimik atornerluinerup pinerluutinngortinneqarnera aamma unnerluussuteqarnissamut piffissaliussap unitsinneqarnera il.il.) pillugu missingiutip Kalaallit Nunaanni Namminersorlutik Oqartussanit akuersissutigineqarnissaai pillugu Inatsisartut aalajangiiffigisassaattut siunnersuutip aamma Qanilleeqqusinnginnej, najugaqataasinnaannginnej aamma anisitsisarneq pillugit inatsisip allanngortinneqarnera pillugu inatsisit assigiinngitsut Kalaallit Nunaannut atuutilersinneqarnissaat pillugu peqqussutissamut missingiut

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Siullermik Siumumiit Naalakkersuisut qujaffingerusuppagut, pinerluttulerinermi aammalu eqqartuussisarnermi inatsisink nutarterimmata, eqqumaffigineqarlutillu ullutsinni pinerluutaasartut nutaatut taaneqarsinnaasut aammalu eqqartuussisarnermi inatsisitigut ulluinnarni unammillernarsinnaasut eqqumaffingalugit iliuuseqarfingimmatigit.

Siumumiit nuannaartutingaarpit Kalaallit Nunaanni Eqqartuussiveqarneq pillugu Siunnersuisoqatigiit siunnersuutigisimasaat piviusunngortilermasigit. Siumumiik Siunnersuisoqatigiit kaammattorusuppagut suli sulilluarnissaannik, inatsisillu suli pitsangorsaaviguassallugit Naalakkersuisut, Kunngeqarfimmilu akisussaasut suleqatiginerisigut. Minnerunngittumillu aamma maani Inatsisartuni oqaaseqaatigisartakkatsinnut malinnaasarnissaannut, tassami pinerluttulerinermut inatsit sorpassuartigut pitsangorsarneqarsinnaavoq, ullutsinnut tulluarsarlugu aammalu pinerluutit assigiinngiaartut sukumiinerusumik sinaakkuteqarnissaat aammalu pineqaatissiisarnermi sinaakkutit eqqunnissaanut suliamut malinnaallutik.

Siunnersuummi qulequttat

Ullumikkut eqqartukkagut inatsisaannaanngillat, Inuimmi pineqarput. Inuit toqqisisimanissaannut tunngassuteqarput aammalu inatsisit pinerluttumut, pinerluffigititumullu naapertuuttumik aaqqissuussaanissaannut qanoq qulakkeerinnissinnaanermut tunngassuteqarput.

Malersuineq (Stalking) qinngarnaannarani aamma inunnik malersorneqartunut tarnikkut innarliisinjaavoq. Ulluinnarni kiffaanngissusiijasinnaavoq, soorlu arlaannukarusukkaluarluni

inuttut imminut killilersortoqalersinnaavoq, minnerunngittumillu tarnikkut kiffaanngissusiiasinjaalluni. Tamanna Siumumiik akuersaanngilluinnarparput, tulluarsoraarpullu, pinerlunnermi inatsimmi toqqaannaq inerteqqutaalernissaa innersuutigineqarmat.

Uani inatsimmi pinerluffigineqartoq aamma annerusumik illersungaaliissaq, tassa eqqartuussinermi illersuisumik pisinnaanera qulakkeerneqassaaq aammalu pinerluttoq iperangaassappat paasitinneqarnissaminik pisinnaatitaaffeqassalluni. Taamaasilluni pinerluffigitittoq kisimiittutut misiginissaa annikillissaaq aammalu qulakkeerinnilluni, eqqissilluni angalaarsinjaassalluni, Inumineq taassuminnga malersorneqarani.

Kinaassutsimik atornerluisarneq annertuumik aamma atungaajartortoq Siumumiik maluginiarparput. Immaqami aamma innuttaasut malugisimassavaat, inuit attaveqatigiittarfianni tamakkua pisartut allatigullu internetternermi. Kisianni inatsit tassaniinnaanngittooq atutissaaq, tassami aamma internet avataani, pisuni piviusuni aamma atutissaaq. Siumumiik isumaqatigilluinnarparput, IT atuungasorujussuanngornerani inatsit taamaattoq pitsasuuusoq.

Unnerluussinissamut piffissaliussisarneq aamma pitsangorsaavivineqalerput, tassami takusareerparput, soorlu siornatigut aalisarnermut inatsimmik unioqqutitsisoqarsimappat, suliassanngortitsisut ajornartorsiutigisinnaangaat, unnerluussinissamut killiliussap qaangiussimanera. Tamanna uani inatsimmi ajornnanngillisarneqalerpoq, tamakkua pinngitsoortikkumallugit. Tassa pinerlussimasut pineqaatissinneqaratik inississinnaasarput, inatsisigut massakkut killilersuimmata, tamanna uani inatsimmi pitsangorsaavivineqassaaq.

Naggataatigut oqaaseqatigiit

Siumumiit allannguutissat qujaruppagut, isumaqatigaangullu aammalu pissusissamisoortutut isingalugit. Naalakkersuisunullu kaammattuutingaarpot, Inatsiseqarnikkut, eqqartuussiveqarnikkullu suli danskit qullasinnerpaamik akisussaaffigingaluaraat, eqqaamassangaat uangut aamma nammineq piumasaqarnissatsinnut akisussaaqataasugut. Tammalumi ullumikkut upernarsaataalluarpoq.

Siumumiimmi innuttaasut naapertuilluartumik, eqqortumillu pineqarnissaat aammalu minnerunngittumik pinerluffigitissimasup naapertuilluartumik inatsisitigut illersorneqarnissaa pingaartipparput.

Siumumiik aalangiiffissaq tamakkiisumik taperserparput, pisariaqarpallu Inatsisinut ataatsimiisitaliamut ingerlateqqinnissaa innersuukkumallugu.

Qujanaq.

Kuno Fencker, Siumut